



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 115. Constitutiones a Paulo V. editæ.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. eundem Molinæum, qui intra priora
 A. C. 1610. quinque Ecclesiæ sæcula de Missa aliis-
 que, quæ hodie Catholici credunt, in
 S. Patribus nil reperiri aiebat, egregie
 confutabat, citans Divum Cyprianum,
 qui refert decretum veterum Episcopo-
 rum Provincialium, quo cautum, ne
 quis Clericus tutorem testamento con-
 stituat, & si secus fecerit, *pro eo non
 offerretur, nec sacrificium pro ejus dormi-
 tione celebraretur, quia apud Altare Dei
 non mereretur nominari in Sacerdotum
 precibus, qui ab Altari Sacerdotes &
 Ministros auocare voluit.* Ex quibus
 verbis Molinæo objecerat, quod jam
 ante prima quinque sæcula Aræ, Sa-
 cerdotes offerentes, Liturgia, Sacrifi-
 cia, mortuorum suffragia, ususque quos-
 dam a Christianorum consortio exclu-
 dendum &c. extiterint. Num porro Catholi-
 ci ex hujus foeminæ, quam veritatis lu-
 men revocavit, conversione, vel Cal-
 vinistæ ex Lukiæ suæ, quam carnis li-
 bido e clauastro extraxerat, apostasia
 amplius gloriandi argumentum habeant
 aliorum judicio relinquimus.

§. CXV.

Constitutiones a Paulo V. editæ.

*Bull. magn.
 Const. 61.
 & seq.*

Hoc anno Paulus V. summus Ponti-
 fex nonnullas edidit Constitutiones,
 qua-

Sæc. XVII.
A. C. 1610.

quarum prima die decima Februarii statuit, ut Fratres Discalceati Ordinis Redemptionis Captivorum præter communia vota juxta Carmelitarum Discalceatorum statuta deinceps votum nuncupent, quod nullo pacto dignitatem nec intra nec extra Congregationem ambire velint. Die autem octava Aprilis innovabat Pontifex excommunicationem in Bulla Cœnæ latam adversus immunitatis Ecclesiasticæ violatores. Cum autem cognosceret, quod Clerici Regulares Sancti Pauli Decolati non modo propriæ Sanctificationi, sed & animarum salutis assidue invigilarent, hinc die octava Maji eis ubique nova monasteria erigendi facultatem indulgit, prævia Ordinarii licentia: Quoniam vero tam Persidis quam Congi Reges ad implantandam fidem Catholicam Apostolicis Operariis liberum in eorum Regna ingressum pollicerentur, hinc Pontifex die trigesima prima Julii provide decrevit, ut Religiosi linguæ Græcæ, Hebraicæ, & Arabicæ Magistros vel Regulares, si qui capaces fuerint, vel saltem sæculares, donec Religiosi se aptos reddiderint, in suis Scholis habeant. Hujus decreti executio erat oppido difficilis ob varia impedimenta; unde hæc constitutio in paucis Germaniæ Conventibus in usum deducta

Sæc. XVII. deducta fuit. Die septima Julii Pontificatus A. C. 1610. fex statuit, ut Fratres Joannis de Deo deinceps præter votum infirmis inferendi etiam tria substantialia emittant, & veri Religiosi censeantur, cum tamen antea Clemens VIII. eis duntaxat votum de infirmis nuncupare concessisset.

§. CXVI.

Canonisatio B. Caroli Borromæi Cardinalis.

Bullar. Magn. Const. 67. Pauli V. Inter anni hujus fausta vix non unice referenda venit Divi Caroli Borromæi festiva in Superos, Sancti cum titulo, recensio a Paulo V. facta. Postquam enim jam anno Christi millesimo sexcentesimo primo Clemens VIII. acta de vita & prodigiis Beati Caroli per S. R. E. Cardinales Sacris Ritibus præfectos, & tres Sacri Palatii Auditores rigide discuti jusserat, hi novam in præfati Cardinalis vitam & miracula inquisitionem esse instituendam censebant, qua facta, interim Clemente VIII. & Leone XI. vita functis, ut Canonisationis negotium resumeretur, Philippus III. Hispaniarum, & Sigismundus Poloniæ Reges, plurimique alii utriusque sexus Principes ac Præsules Paulum V. Leonis XI. Successorem impense rogabant: unde